

и ради крайние добродетели и святыни подвизавшихся божественных мужей в ней древними времени. Есть убо гора Македонии Селунскаго краа к морю, яже простирается внутрь моря к востоком на сто врѣст, якоже нещую, яже от прѣваго вхожения еже в неа, его же сице некако глаголем Мегалин виглан, сиречь Велиа стража, въздвизается от земля възхождением жестокии же и острейшим, яко поприць единаго и пол, от него же прѣваго вхожения донеле же скончается в крайнейшея горы части — на большее присно и въздвизается и утолстевається и холмы и хребты высочайшими и частями⁵ съгнетаема. В крайнейшую же часть горы на толику высоту въземлеться много, яко възходящих в крайнейшее еа верха, аще убо ведрить въздух — видети добротнейший остров Еврип отстоаще // далече от Афона, яко поприць двесте и вяще. Но и древнии писатели л. 290
глаголють, яко егда преклониться солнце к западом, достигаеть сень об.
краа верха Афона в острова Лимнос⁶ далече отстоащаго яко поприць 60, который верх до дву поприць близ к нижней стране есть всенаг⁷ камень ради зелныа студени, яко не обретатися что ино тамо, разве трава некаа малейшаа в каменных щелех, в безсолнечных же удолиих, сущих под врѣхом еа, обретається снег весь год.

⁸ [О вели] ⁹ цей лавре¹⁰. Под крайнею убо ногою горы к морю, еже к востоком, на месте равне убо, елико мощно есть, обаче жестоце зелне и каменне, создана есть божественаа в истину и царскаа великаа Лавра преподобнаго¹¹ и богоноснаго¹² отца нашего Афанасиа Афонскаго, долга и уска, стенами высокими и толстыми и столпы¹³ крепкими округ огражена. Создатель же тоа бысть иже в царех приснопомнимый Никифор Фока, его же уби Иоан // Цимисхис. Лежит же сиа священнаа и честнаа л. 291
обитель прямо к вешним възтоком, коа древле убо, егда благоденствоваше¹⁴, общее житие съблюдаше¹⁵ по божественных преданиях преподобнаго отца Афанасиа. Последи же от грех наших¹⁶ изнемогши и сиа, якоже и прочии¹⁷, и не могуци питати¹⁸ общежителне своа чада многа бывшаа и попечение тех в всем творити — съвет съвещаша зело мудр и добр, възложив свою нужу священному собору пресвятейшаго патриарха Константиняграда и прощение оттуду прием, раздели по келиам чада своа по два и по три и по четыре, даючи им на всяк день хлеб доволен и сочиво и от сада своего зелне всяческое, и на келию¹⁹ подаде толик виноград и толики маслицы и инаа некаа плодовиатаа дресвета, яже сами тружajúщесе и добре делающе избилуютъ присно и вина и елеа и всяческих овощей, от них же доволнаа себе съхранивши, преизлишняа // продают; иже неискуства ради или и немощи не могуцим братиаи сиа делати, л. 291
ова же и туне немощнейшим даруютъ. Не в сих же точию упражняются об.
иже на вся преподобнии, но и хитрости всяческиа делаютъ и рукоделиа: ов убо сапожник, ов же ковачь, ин же швець, другий же древодел, ин же здецъ, ин же точить сосуды, другий на холмех дресвета сечет и доски скоблит и брусиа, ин прядет и вязеть клобуки и пояски, другий пишет, ин перелетаает, другий сад делаетъ, ин же виноград добре делает, другий рыбы ловит и сети плететь, и-сим чином кождо и себе питает и другаго, но и того приемшую духовную матеръ честную глаголю обитель²⁰ от своих потов лишену прохладил. Сице убо братиаа живутъ в себе и обитель²¹ изнемогшую ничим же отягчают, но и паче облегчаютъ и упокоают от преизлишних попечений, якоже неции матерелиубы дети престаревшую матеръ ста // ростъ л. 292
питающе, не до сего же к ней показываютъ любовь, но и на множайше сию простирают. Егда бо сетвы время настанет или жатвы или гроздособрания

⁵ А частыми ⁶ С на полях; А в тексте ⁷ А всенаг на ⁸⁻⁹ доб. по А; С срезано
⁹⁻¹⁰ С на полях киноварью; А в тексте ¹¹⁻¹² А нет ¹³ А пирги ¹⁴⁻¹⁵ А нет
¹⁶⁻¹⁷ А написано дважды ¹⁸ А питати ¹⁹ А келии ²⁰⁻²¹ А нет